

Xêrî Bozanî



Tîrek û Du Nîşan



*Kin çîrok*  
2019

- **Navê Pirtûkê: Tîrek û Du Nîşan**
- **Regezê Pirtûkê: Kurteçîrok**
- **Nivîsîn: Xêrî Bozanî**
- **Derhênanâ Hunerî: Hesen Umer**
- **Çapa Yekê/2019**
- **Çapxaneya:**
- **Hejmara Spartinê:**
- **Hemû maf ji bo nivîskar parastî ne.**
- **Latînîkirin: Besam Mistefa**

Şûnwarnasekî şîrekî kevn û  
rizî vedît, dema paqij kirî,  
polîsan bi guneha hilgirtina  
çekeke bêyî destûrdayî girt.

---

Pêkenînok ji tirsên kabûsan  
ne dinivist.

---

Gotê: Ji niha û wê ve dê bibim  
leylan di jiyana te de, lewma  
heta niha yê li yeka bi bext  
digere!

---

Gencekî serberdayî bi  
otomobîlê zarokek kuşt, herdu  
eşîran di zehfiya aştbûnê de  
pênc berx serjêkirin û xwarin.

Bûklastîkêñ modêl li dikanêñ  
cili ñan mezintirîn guneh in.

Li rêza yekê seretayî qelem û  
defterêñ hevalêñ xwe didizîn,  
li sala yekê ji wezîrtiya xwe bû  
milyonêr.

Me bi tenê rext û tifengêñ  
birrno yên bapîrêñ xwe yên  
mîratkirîn..bêyî ku me carekê  
berê wan dabe sîngê dijminî.

Dema te wêneyê min bi qelem  
risasê çêkir, hingî min zanî dê  
rojek bê û tu yê bi sanahî min  
ji jiyana xwe mihînî.

Pawanê laşê xwe bo wî tapo  
kiribû, lê wî rojane zêdegavî li  
ser zevî û qerac û baxçeyên  
xelkê jî dikirin!

Berê her ew hebû, ci heval û  
hogir nebûn...vêga her yekî  
rabû, wekîlê wî ye!

Ew bîrhatinên min  
embarkirîn, te zîndan kirin.

Kesî haj kesî nîne, ci dikî bike,  
destêن te bo te, bes behsa  
dolar û petrolê neke.

Bi hezjêkirin û eşqkirin û  
bêhnkirin maçkiran û mijtin û  
helmrastina cigarê mir.

---

Piling bi ser revdeke xezalkan  
helbû, lê bi tenê xirrîçkire  
yekê.

---

Ji jêr kum û leçkên spî de,  
hizrêñ reş derketin.

---

Çi nemabû bigihe armanca  
xwe, heke hizr di lawaziyê de  
nekiriba.

---

Pênc dînarêñ behayê gulleyên  
kurê wî kuştîn, ji berîka xwe  
dan.

Dilopeke petrolê hezar rondik  
ji çavên dayikan barandin.

Dengvedana qîrîniya wê,  
guhêن gelî teqandin.

Wî dizanî ew jêderên xemêن  
wê ye, lê xwe tênedigihand.

Li dilê xwe siwar bû, da ku  
zûtir bigihe jivana yara xwe.

Şivanê berazan, digot ereq  
heram e.

Hişyar bî pê re dirêj nekî, devê  
wî yê peyvrêjkirî ye.

Keyfa mişk û cirdan bi  
şaristaniyê nehat.

Êdî rondikên te yên bi kil û  
makyajê di vestirayî min  
naxapînin.

Rûhekî ges î devliken, peyvên  
hingivînî û dilekî reş û req.

Cejn hat û dizêñ zîndanî  
berdan.

Xanî bi navmalî û bîrhatinêñ  
xwe ve ji bo firotinê ye.

Wî gula xwe li sîngê da, wê  
gulleya xwe li sîngê da.

---

Xweşî ew e ez bêyî we bijîm.

---

Goştfiroş plan li dijî doktorê  
dil radiçandin.

---

Li welatê me qesr têne  
avakirin û aqil têne  
wêrankirin.

---

Ne ewrê me bariya, ne jî  
sîberê li me kir.

---

Ji wan were çavên wî ji ber  
tozê rondikan dikan, wan

nezanî ew ji bo axa welat  
digirî.

---

Dema biryar da ku derew û  
durûtiyê bihêle, dît ku hevalên  
wî ew hêlan.

---

Diçûne nimêja baranê..belê  
şemsî di gel xwe nebiribûn!!

---

Hemû rê diçin Roma, lê bi tenê  
rêkek diçite (buhiştê)!!

---

Ji wî pirsîn ewê viyayî li ofîsa  
karebê bibe fermanber:

- Te berî niha çi guneh di gel  
kesekî yan li dijî miletê xwe  
encam daye?

- Nexêr, lê ev cara yekê ye dê  
hewl bidim encam bidim.

---

Gotê: Ez ji te baştir û zengîntir  
û merdtir û mîrxastir im û û û

..

Bersiv da: Ma ji bo çi ye?  
Madem çarenivîsa me yek e.

---

Jê re gotibû (Heta ez bêm, vê  
gulê av bide, xwedî bike, pê  
dakeve..) Dema nehat, wê ew  
gul bi xeman pêça.

---

(Îro) gencatiya me ji bîra me  
bir,  
(Duhî) zarokîniya me ji bîra  
me bir,

(Sibe) dê bavê me ji bîra me  
bibe.

---

Dema milyon bermîlên  
petrolê derketin, hingî milyon  
nefret jî li me bariyan.

---

Hêkêن petrola gundê me ji bo  
xelkê ne û zilqêن wê ji bo me  
ne.

---

Di seyrana hejaran de, baran  
bariya.

---

Dema pêşeroj nedît, berê xwe  
da paşerojê.

---

Serê mîrê xwe gêj kir, paşê  
serê xwe mês kir.

---

Dema ji bo cara duyê eynî şasî  
kir, ker pê keniya.

---

Mal û halên xwe bi saleke  
saxlemiyê firotin.

---

Behesta roviyan qink û mirîşk  
in,

Behesta kîvroşkan xar û gêzer  
in,

Behesta kitikan mast û mişk  
in, û behesta.....hwd.

---

Li ser deriyê mala xwe  
nivîsand ((nekute her yê  
vekirî ye))

- 
- Bavo, masî helal e?
  - Erê kurê min.
  - Pa kî serjê dike?
- 

Ji xew hisyar bû, lê hemû  
damarên wî nivistî bûn.

---

Dema ji gendelî pirsîn ((Te ev  
ji ku anî?)) Bersiv da ((Xwedê  
da min.))

---

Yek peyv kir, bîst û çar fîşek lê  
ketin.

Xew min nêçîr dike û xewn  
min mendehoş dikan û kabûs  
min keys dikan.

---

Dema wî makyaj didanî, êdî ji  
xwişka xwe nedihate  
cudakirin.

---

Mase û kursîkeke kevn û  
pirtûkxaneke tozîn, mîrata  
nivîskarekî ne.

---

Piştî rovî xwe ji bo  
hilbijartinan kandîd kir,  
mirîşk ji qinkê aware bûn.

---

Zarokêñ sêwî kar dikirin û li  
ber sîbera tirba bavê xwe  
bêhna xwe vedidan.

---

Wê dilê xwe jê re vekir, wî  
*live`a* wê belav kir.

---

Koşka Spî gelek rû reş kirin.

---

Koşka Spî cilkêñ gelek dayik û  
xwişkan reş kirin.

---

Êvarî sozêñ hingivînî danê,  
spêdê doşab dayê.

---

Mamostayî gotê diyar e bavê  
te tu perwerde nekiriye, lê  
vegerand: Nexêr. Lewma ji

polê derxist, bêyî ku bizane wî  
bavê xwe yê şehîd nedîtiye.

---

Charlie Chaplin hemû  
dikenandin, lê nedikarî xwe  
bikenîne, dema hemûyan  
digot ew bextewer e, hingî bi  
wan kenî.

---

Dergehê xaniyê xwe yê kevn  
vekir, bîrhatinan bi bişkurrîn  
û rondikan ve pêşwazî lê kir.

---

Piştî bîst salan ji derçûna xwe,  
di pêvajoya karê xwe de  
nivîsand (kevanî.)

---

Givegiva mêşan dengê heqiyê  
çemsand.

---

Balîfka wî depê şanoya hemû  
xewnên wî yên trajedî bû.

---

Herdem rovî çîrokêñ nav  
qinkê mirîşka bo têşkêñ xwe  
digotin, dema ew ji çûna nav  
qinkê bêhêvî bûn, gote wan  
hêviyêñ xwe nebirin, madem  
em di jiyana xwe de jê re  
têkoşîn, piştî mirinê her dê  
çîne tê de.

---

-Bavo bo ci hût hinnnde qelew  
e?

-Çunkî ewî heyv û Yûnis  
pêxember yên di zikê xwe de  
hilgirtibûn..

-Pa bo çi sivorey stêrk  
nexwar?

---

Hemû keda jiyê xwe bo  
dawiya xwe terxan kir.

---

Li ser lêva fincana qehwê gişt  
corên ramûsanan li bîrê hatin.

---

Di pencerê re hate cîhana  
berfireh, li dawiyê jî di  
dergehî re derket.

---

Masiya ketiye di torê de gote  
ya ji derive:

- Were min derxe..
- Tu were min bibe cem xwe.

---

- Bo te seyekî bînim kurê min?
- Min nevêt, sey yê heram e.
- Kê wisa gote te?
- Mamostayê Erebiyê.

---

Dema êvariyacejna serê salê  
çûme kulîlkên sor yên nîsanê,  
min hingî zanî berhemê  
candariyê çend yê bi beha ye.

---

Li wê dema ku kurên xayînan  
tekbîra xwe dikirin ka işev  
herine kîjan melhayê, kurê  
şehîdî cam li wan kuta, trafîk  
kesk bû jî lê cam lê venekirin.

---

Di nav zincîre filmî de  
((reklam..hêz û şiyanên  
zilaman, bi tenê di gel hebka  
şîn..belê hebka şîn)) zarok ji  
bavê xwe pirsî ka hebka şîn çi  
ye? Lê vegerand: Nizanim,  
paşî gote dayika wî xewa min  
tê ka em biçin binivin.

---

Li Efganistanê bi roj polîs  
nahêlin keç û kur li cihêن giştî  
piyasa bikin, lê bi şev polîs  
zêrevaniyê li ahenga zengîn û  
berpirs û zilamên dînî digirin  
yêن ku amadeyî semaya  
gencan dibin.

---

Bekoyê Facebbokê Mem haker  
kir û hemû kurtenameyên wî  
û Zînê ji hev re şandîn, nîşa  
Tajdînî dan.

---

Şivanî û sey û kerî, ya di dilê  
hevdû de nedizanî, lewma her  
roj pez yê birr bûyî bû.

---

Hindek rewiştên me rewşa me  
reş kir, lewma ne me çi ji  
paşeroja xwe çêkir, ne jî  
pêşeroja me diyar e.

---

Dîkil betran bû û kesî serê wî  
zeft nedikir û li cihê ku bang  
bide, xeber didan.

---

Nedizanî navê wan xwarinê  
di wan menûyên wî li ser  
cadeyan didane şûfêrê  
tirumbêlan bixwîne, ne jî  
rojekê tam kiribû wan  
xwarinan.

---

## **Aqilok = Qaqilok**

### **1**

Mejiyê wî kar nedikir, heke  
kar kiriba jî xişîmiya wî xuya  
dikir.

### **2**

Mejiyê wî bi tinê li dawiyê  
dixebitî.

### **3**

Mejiyê miletékî bibû bela serê  
wî.

## **4**

Serê wan bi aqilê tanca zêrîn  
nexemilî.

## **5**

Aqilê gelekan ji me yê di serê  
beranî de, serê wî jî her yê di  
qoçanê de.

## **6**

Dema hêvênê mejiyê me  
nema, me hêvên ji malên  
cîranan anî.

## **7**

Her roj mejiyê xwe ji serê  
winda dikir, kolan kolan lê  
digeriya, carekê li nik zikî  
didît, carna jî binzikî bi ser  
heldibû.

## **8**

Aqilê wan ji tiştekî nedibirî,  
digotin meqes kuh e.

## 9

Hemû xelk bi aqilê wî  
dikeniya, dilê wî jî bi aqilê wî  
nedisot.

---

Duhî, dîktator êxistin.  
Îro, gendel lêkkeftin.  
Sibe, reşk û tarî ye.

---

## Dilistan

### 1

Dilê wê mir û careke din sax  
nabe, lê dilê wî nivist û dê  
rabe.

### 2

Dilê xwe kir embara xeman, lê  
kesî guh nedayê.

**3**

Xeman gotê: Yan tu yê me  
bixwî, yan em ê te bixwin.

**4**

Dilê wî derya xeman bû û  
keştiyan sema di nav de dikir.

---

Çaxê ku em zarok bûn, yên ji  
me mezintir pereyên wan  
hebûn, lê yên me nebûn. Dema  
em mezin bûn, yên ji me  
biçûktir ji me bêtir pereyên  
wan hebûn.

---

-Doktor, ez pir zû ji bîr dikim,  
karê berî nîv demjimêrê li bîra

min nayê, wisa jiyanâ min  
gelekî nexweş bûye.

- Ji kengî ve wisa li te hatiye?
- Çi li min hatiye?
- Eva berî niha te digot...
- Bo çi ma min qala çi dikir?

---

Di milmilanêya di navbera  
min û te û wî û wê û wan  
de..ezezokî bi serket.

---

Li welatê xwe nejiya, koç kire  
welatekî din, hate girtin û ew  
zîvirandin welatê wî, gelek pê  
neçû, hate kuştin.

---

## Amerîka

**1**

Heta ku Amerîka ji dayik bû,  
bi milyonan ji xelkê wê yê  
resen binax bûn.

## 2

Heta ku xelkê nû yê Amerîka  
mezin bûyî, bi milyonan çerm  
reş kirne xulam.

---

Ewan viyan miletê rojê ji nav  
bibin, lê rojê ew qelandin.

---

Şivanê bi wê kindîra ji mûyê  
bizinê vehandî, bêrîvan pê  
xeniqand.

---

Mejiyê wî bi bîrokên çak avis  
bû, lê çi cihêن paqij nedîtin lê  
deynê.

---

Dema jiyayin çavê rojê bigirin,  
bi şev roj helat.

---

Dema zaroka çarde salî  
vegehastîne mala mêtê wê yê  
çil salî, ewê sê bûk lastîk di  
nav cihêzê xwe de biribûn.

---

Di perwestebûnên ser hevraz  
de, dua bo zengîn û xurtan  
nayêne kirin, ji ber ava wan  
serhevraz diçe.

---

Wî xwe li ser kire şêr, wê gotê:  
Hişyar bî şêr şêr e, ci jin e ci  
mêt e.

---

Di fincana wê ya reş de, bextê  
wî yê spî xuya bû.

---

Ji nişkekê ve hemû reftarên wî  
hatine guherîn, hingî wê zanî  
ku hemû reftarên wî  
pêkenînok bûn.

---



**Nivîskar di çend rêzikan de:**

- Xêrî Bozanî (Xêrî Elyas Elî)

- Sala 1970, li gundê Boza, nahiye Elqûş, parêzgeha Neynewayê ji dayik bû.
- Bakaloryus di ziman û edebiyata Kurdî de – Koleja Edebiyatê, Zanîngeha Selahedînê wergirt.
- Karêن mamostetî, rojnamevanî, rêexistinên civaka sivîl, siyâsî û kargerî kirine.

### **Ji berhemên wî yên çapkirî:**

1. Amadekirina (12) pirtûkên programa Êzdiyatî de kiriye bi pişkdarî. Sala 1999 li Hewlêrê çap bûn.

2. Helameve/Helbest/ Sala  
2001 li Dihokê bi zimanê  
Kurdî çap bû.
3. Xewneke Amerîkî/Komeke  
çîrokên Ezîz  
Nesîn/Wergerandin/ 2006 li  
Dihokê çap bû.
4. Mişk Hevdû  
Dixwin/Komeke çîrokên Ezîz  
Nesîn/Wergerandin/ 2007 li  
Hewlêrê çap bû.
5. Dêran/Nivîsên pêtrankî  
(îronîk)/2011 li Dihokê çap  
bû.
6. Mîr Ceiferê  
Dasinî/Lêkolîneke  
dîrokî/2011 li Hewlêrê çap  
bû.

7. Barzanî/Şanogerî/Ehmed  
Îsmaîl/Wergerandin/2011 li  
Dihokê çap bû.
  8. Zeviya Asê/Şanogerî/  
Ehmed  
Îsmaîl/Wergerandin/2013 li  
Hewlêrê çap bû.
  9. Ezîz Nesîn/Gotar û  
Lêkolînên Edebî/2018 li  
Hewlêrê çap bû.
  10. Pêla Xîzê Reş  
/Kinçîrok/2018 li Hewlêrê  
çap bû.
  11. Tîrek û Du Nîşan/Kin  
çîrok/2019 li Hewlêrê çap bû.
- 

Ji bo pêwendîkirinê:

Khairi bozani@yahoo.com

009647504676173